

Na osnovu člana 15. stav 2. Zakona o veterinarstvu u Bosni i Hercegovini ("Službeni glasnik BiH", broj 34/02) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Ureda za veterinarstvo Bosne i Hercegovine, na 62. sjednici, održanoj 13. septembra 2013. godine, donijelo je

**PRAVILNIK**  
**O MJERAMA U SLUŽAJU OTKRIVANJA RELEVANTNIH SEROTIPOVA SALMONELA OD INTERESA**  
**ZA JAVNO ZDRAVSTVO KOD PERADI**

Član 1.

(Predmet)

Ovim Pravilnikom propisuju se mjere u služaju otkrivanja relevantnih serotipova salmonela od interesa za javno zdravstvo kod rasplodnih jata, koka nesilja i brojlera.

Član 2.

(Definicije)

- (1) Za potrebe ovog Pravilnika pojedini termini imaju slijedeće značenje:
  - a) *relevantni serotipovi salmonela* su:
    - 1) *Salmonella enteritidis*, *Salmonella infantis*, *Salmonella hadar*, *Salmonella typhimurium* uključujući i monofaznu *Salmonellu typhimurium* s antigenskom formulom 1,4,[5],12:i:- i *Salmonella virchow* kod rasplodnih jata;
    - 2) *Salmonella enteritidis* i *Salmonella typhimurium* kod koka nesilja i brojlera.
  - b) *karantin* je sistem protuepizootijskih mjera u određenom mjestu i za određeno vrijeme radi provjere zdravlja životinja.
- (2) Za potrebe ovog Pravilnika primjenjuju se i definicije iz člana 2. Pravilnika za kontrolu salmonela i drugih određenih uzročnika zoonoza koji se prenose hranom ("Službeni glasnik BiH", br. 46/10 i 7/13).

Član 3.

(Infekcija salmonelom)

- (1) Sumnja na infekciju relevantnim serotipom salmonela postoji ako je poslije provedene vlastite kontrole od strane subjekta u poslovanju s hranom (u daljnjem tekstu: vlasnik) na farmi izolirana salmonela od strane ovlaštene dijagnostičke veterinarske laboratorije.
- (2) Infekcija relevantnim serotipom salmonela postoji ako je infekcija potvrđena od strane ovlaštene dijagnostičke veterinarske laboratorije prilikom provođenja službene kontrole.
- (3) Ne uzimaju se u obzir odredbe st. (1) i (2) ovog člana, mjere propisane ovim Pravilnikom se provode i u slučaju da je otkriveno prisustvo antimikrobnih lijekova ili inhibitora bakterijskog rasta.

Član 4.

(Izvješćavanje)

- (1) U slučaju pozitivnog nalaza na relevantni serotip salmonela, ovlaštena veterinarska laboratorija je dužna u roku od 24 sata o tome obavijestiti vlasnika, nadležnog veterinarskog inspektora, kao i nadležni organ entiteta i Brčko Distrikta Bosne i Hercegovine koji o tome obavješćavaju Ured za veterinarstvo Bosne i Hercegovine.
- (2) Vlasnik je dužan u slučaju pozitivnog nalaza o tome obavijestiti nadležnu veterinarsku organizaciju.

Član 5.

(Mjere u slučaju sumnje na infekciju relevantnim serotipom salmonela)

- (1) U slučaju sumnje na infekciju relevantnim serotipom salmonela, nadležni veterinarski inspektor stavlja u karantin sumnjivu farmu ili proizvodnu jedinicu.
- (2) Za vrijeme trajanja karantina s farme se mogu iznositi životinje i to samo:
  - a) perad:
    - 1) u dijagnostičke svrhe;
    - 2) radi klanja na osnovu analize rizika i poslije odobrenja nadležnog veterinarskog inspektora, kada su poduzete sve mjere za sprječavanje širenja infekcije u toku prijevoza do objekta za klanje i pod uslovom da se tako zaklana perad termički obradi;
    - 3) radi lišavanja života i neškodljivog uklanjanja,
  - b) jaja:
    - 1) radi prerade u objekte za preradu jaja, ukoliko je osigurano da će biti tretirana na način kojim

## **”Službeni glasnik BiH”, broj: 96/13**

se garantira da su salmonele uništene u skladu s posebnim propisom; 2) radi neškodljivog uklanjanja.

- (3) Nadležni veterinarski inspektor vrši službenu kontrolu kod svih sumnjivih jata radi potvrđivanja dijagnoze i vrši epidemiološko istraživanje.
- (4) U slučaju negativnog rezultata službene kontrole, karantin se zatvara.

### **lan 6.**

(Mjere u slučaju potvrđene infekcije relevantnim serotipom salmonela kod rasplodnih jata)

- (1) U slučaju potvrđene infekcije relevantnim serotipom salmonela kod rasplodnih jata, nadležni veterinarski inspektor, uz mjere iz lana 5. ovog Pravilnika, naređuje i nadzire da se sva perad u zaraženom jatu, ukljujuju i jednodnevne piliće i rasplodna jata zakolje ili uništi kako bi se u najvećoj mjeri smanjio rizik od širenja salmonele.
- (2) Proizvodi koji potiču od ove peradi mogu se staviti na tržište u svrhu ishrane ako ispunjavaju uslove iz Dodatka II., Odjeljka E Pravilnika za kontrolu salmonela i drugih određenih uzročnika zoonoza koji se prenose hranom.
- (3) Ukoliko nisu namijenjeni ishrani ljudi, proizvodi iz stava (2) ovog lana se moraju upotrijebiti ili uništiti u skladu s Odlukom o nusproizvodima životinjskog porijekla i njihovim proizvodima koji nisu namijenjeni ishrani ljudi ("Službeni glasnik BiH", broj 19/11).
- (4) Smatra se daje zaraza salmonelom prestala postojati ako:
  - a) su sve jedinice uklonjene s farme ili zaražene proizvodne jedinice;
  - b) je provedeno isušivanje i dezinfekcija objekata ili proizvodnih jedinica i deratizacija i kada je od strane ovlaštene laboratorije potvrđen negativan nalaz na salmonele (kontrolni bris).
- (5) Naređeni karantin farme ukida se kada je zaraza salmonelom prestala.

### **lan 7.**

(Mjere u slučaju potvrđene infekcije relevantnim serotipom salmonela kod koka nesilja)

- (1) U slučaju potvrđene infekcije relevantnim serotipom salmonela kod koka nesilja, nadležni veterinarski inspektor, uz mjere iz lana 5. ovog Pravilnika, naređuje i nadzire da se sva perad u zaraženom jatu, zakolje ili uništi kako bi se u najvećoj mjeri smanjio rizik od širenja salmonele.
- (2) Proizvodi koji potiču od ove peradi mogu se staviti na tržište u svrhu ishrane ako ispunjavaju uslove iz Dodatka II., Odjeljka E Pravilnika za kontrolu salmonela i drugih određenih uzročnika zoonoza koji se prenose hranom.
- (3) Jata koja potiču od zaraženih jata mogu se upotrebljavati za ishranu ljudi ako su obrađena na način kojim se garantira uništavanje svih relevantnih serotipova salmonele. Navedena jata se smatraju jajima B klase i moraju se prije stavljanja u promet označiti u skladu s Pravilnikom o standardima za stavljanje jata na tržište ("Službeni glasnik BiH", broj 25/10).
- (4) Ukoliko nisu namijenjeni ishrani ljudi, proizvodi iz st. (2) i (3) ovog lana moraju se upotrijebiti ili uništiti u skladu s Odlukom o nusproizvodima životinjskog porijekla i njihovim proizvodima koji nisu namijenjeni ishrani ljudi.
- (5) Smatra se daje zaraza salmonelom prestala postojati ako:
  - a) su sve jedinice uklonjene s farme ili zaražene proizvodne jedinice;
  - b) je provedeno isušivanje i dezinfekcija objekata ili proizvodnih jedinica i deratizacija i kada je od strane ovlaštene laboratorije potvrđen negativan nalaz na salmonele (kontrolni bris).
- (6) Naređeni karantin farme ukida se kada je zaraza salmonelom prestala.

### **lan 8.**

(Mjere u slučaju potvrđene infekcije relevantnim serotipom salmonela kod brojlera)

- (1) U slučaju potvrđene infekcije relevantnim serotipom salmonela kod brojlera, nadležni veterinarski inspektor, uz mjere iz lana 5. ovog Pravilnika, naređuje i nadzire da se sva perad u zaraženom jatu, zakolje ili uništi kako bi se u najvećoj mjeri smanjio rizik od širenja salmonele.
- (2) Proizvodi koji potiču od ove peradi mogu se staviti na tržište u svrhu ishrane ako ispunjavaju uslove iz Dodatka II., Odjeljka E Pravilnika za kontrolu salmonela i drugih određenih uzročnika zoonoza koji se prenose hranom.
- (3) Ukoliko nisu namijenjeni ishrani ljudi, proizvodi iz stava (2) ovog lana moraju se upotrijebiti ili uništiti u skladu s Odlukom o nusproizvodima životinjskog porijekla i njihovim proizvodima koji nisu namijenjeni ishrani ljudi.
- (4) Smatra se da je zaraza salmonelom prestala postojati ako:

## **”Službeni glasnik BiH”, broj: 96/13**

- a) su sve jedinice uklonjene s farme ili zaražene proizvodne jedinice;
  - b) je provedeno isušivanje i dezinfekcija objekata ili proizvodnih jedinica i deratizacija i kada je od strane ovlaštene laboratorije potvrđen negativan nalaz na salmonele (kontrolni bris).
- (5) Naredni karantini farma ukida se kada je zaraza salmonelom prestala.

### **Član 9.**

#### **(Uzorkovanje)**

Način i vrsta uzoraka kao i metode detekcije relevantnih serotipova salmonela su propisane Pravilnikom o ciljevima za smanjenje prisustva bakterija vrsta *Salmonella enteritidis* i *Salmonella typhimurium* kod koka nesilja ("Službeni glasnik BiH", broj 102/12), Pravilnikom o ciljevima za smanjenje prisustva bakterija vrsta *Salmonella enteritidis* i *Salmonella typhimurium* kod brojlera ("Službeni glasnik BiH", broj 102/12) i Pravilnikom o ciljevima za smanjenje prisustva bakterija vrsta salmonella kod odraslih rasplodnih jata vrste *Gallus gallus* ("Službeni glasnik BiH", broj 103/12).

### **Član 10.**

#### **(*Salmonella pullorum* i *gallinarum*)**

U slučaju otkrivanja *Salmonella* vrste *gallinarum* i *pullorum* nadležni veterinarski inspektor naređuje mjere propisane Pravilnikom o merama za suzbijanje i iskorenjivanje tifusa peradi ("Službeni list SFRJ" broj 6/88) koji je preuzet Uredbom sa zakonskom snagom o preuzimanju i primjenjivanju saveznih zakona koji se u Bosni i Hercegovini primjenjuju kao republički zakoni ("Službeni list RBiH" br. 2/92 i 13/94).

### **Član 11.**

#### **(Dobrobit životinja)**

Prilikom klanja ili usmrivanja peradi primjenjuju se odredbe Pravilnika o zaštiti životinja pri klanju ili usmrivanju ("Službeni glasnik BiH", broj 46/10).

### **Član 12.**

#### **(Izuzeci)**

Izuzetno od odredbi čl. 6., 7. i 8. ovog Pravilnika, dozvoljeno je koristiti antimikrobna sredstva za liječenje peradi ukoliko je odobreno njihovo korištenje u skladu s Dodatkom TV. Pravilnika za kontrolu salmonela i drugih određenih uzročnika zoonoza koji se prenose hranom.

### **Član 13.**

#### **(Stupanje na snagu)**

Ovaj Pravilnik stupa na snagu osmog dana od dana objavljivanja u "Službenom glasniku BiH".

VM broj 257/13                      Predsjedavajući **Vjekoslav Bevanda**, s. r.  
13. septembra 2013. godine    Vijeće ministara BiH  
Sarajevo